


国朝诗人征略



國朝詩人征略



國朝詩人徵略卷四十一

番禺張維屏子樹輯

李懷民

名憲噩以字行號十桐又號石桐山東高密人諸生有十桐草堂集

先生早孤與兩弟蓮塘少鶴相師友嘗與少鶴依張爲主客圖例蒐集元和以後諸家五律詩辨其體格奉張籍賈島爲主朱慶餘李洞以下客焉名曰重訂中晚唐詩人主客圖

國朝山左詩續鈔

單廉夫鉞曰先生當虞山漁洋之後獨能刮磨湔

洗一舉而空之

同上

李石桐曰余讀貞元以後近體詩稱量其體格得兩派焉一派張水部天然明麗不事雕鏤而氣味近道學之可以除躁妄祛矯飾一派賈長江力求嶮奧不吝心思而氣骨凌霄學之可以屏浮靡却熟俗予每欲聚集諸家分承兩派訂成一書嫌於創始或驚俗目喜得張爲主客圖本鍾氏孔門用詩之意而推廣之謹依其制尊水部長江爲主云入室升堂及門以次及焉

重訂主客圖

前輩謂學選體者讀初唐學盛唐者看中晚中

人得盛唐之精髓無宋人之流弊

同上

天地間文章祇在當前搜得出便成至文梅宛  
曰發難顯之情於當前畱不盡之意於言外二云

實盡古今詩法

同上

石桐先生生於漁洋秋谷之後而能自闢町畦獨  
標宗旨可謂岝然自異不肯隨人步趨者其五言  
樸而腴淡而永苦思而不見痕迹用力而歸於白  
然五字中含不盡之意五字外有不盡之音粗人  
觀之乃曰易易蓋未知此中甘苦也

聽松廬詩話

標題

寄子受

五古三首

道旁兒

七古

攜兒輩遊

村市五古

摘句 道深意彌歎養至中乃虛

入時性已乖力古氣猶勇

既云拙進取復不事生產親戚或相誚妻  
孥亦憤懣一編聊自娛浩歌秋已晚

優伶蒙繡裳乃與公侯類內蘊苟不充浮  
實豈古華焉足恃

雨足日著土閒居淡無味登舟未半程舉  
天風雨步思履地

沾濡花上重瀟灑樹間密稍急始紛喧漸

繁轉寥寂

對雨

風歇林未靜月出水方動

靜中世味淡病後衆情遣

斯人誰不死死身不死人

物情感氣候各自爲秋聲

孤村羣動息遠水夜聞聲想得暗流處無人空月明

荒圃二三畝種蔬兼種花

買藥寄山客寫詩呈故人

新書借未讀舊句定猶刪

旅病覺寒早獨眠知夜長

朝食嘗新穀秋衣著舊絲

夜雪曉方覺朔風晴更多

隨行一舟月出送滿城人

送張邑侯

長貧爲客易漸老別鄉難

閒思一年事祇見兩封書

有景皆同賞無愁不並知

思入如中病吟成勝拜官

遠山晴始見高樹夜偏聞

母念應扶杖兒迎早候扉從頭說風土語

笑滿庭闈

遠歸

送花如嫁女相看出門時

子受求盆桂詩以送之

福增格

字贊侯號松巖滿洲人官廣東將軍有酌雅齋集  
顧國泰序云光明磊落雅健沈雄洵足鼓吹休明

馳騁千古

雅頌熙朝

摘句行人渡河水曉月照潼關

人臥兼旬雨書來千里心

往事嗟陳迹傷心過少年

五陵裘馬無知己四海交遊得幾人

託庸

字師健號瞻園滿洲人官至吏部尙書謚誠慤有  
瞻園詩鈔

庸所居曰瞻園有十八景暇則觴詠於此

八旗通志

託冢宰作江寧方伯時一見如平生歡遂贈以二律有句云七十神仙海鶴姿六年人悔見公遲次日公過訪坐定忽正色曰吾欲借君一貴重之物未知肯否余愕然問何物公笑出袖中和韻詩第二句仍是六年人悔見公遲八字彼此騷然隨園詩話

方寸一時得平生萬事非

寒山歷歷路不盡班馬蕭蕭君獨行

蔣韶年

字臨臯漢軍人官山西平度州知州有吏隱集

顧詒祿

序云臨臯先生家世閥閱學博才富修書

議敘爲江蘇布政司理問事繁俸薄先生處之泰然克勤其職公餘眺覽山水與二三同僚酌酒賦

詩而政事不廢

吏隱集

公以直道忤上官遂罷官歸怡然自得吟詠而外惟以教子讀書爲急務家貧無力延師今相國礪

堂先生時方髫齡就傳百里外比相國以弱冠成進士入詞垣公猶矍鑠也廉吏家風德門善慶讀吏隱一集可想見之

聽松廬文鈔

摘句

雪擁山疑失風狂馬不前

一宵將盡臘半紙隔年書

貧餘負郭方容隱宦可言歸便是仙

位因卑處才難見詩到窮時句更新

事少經營驚我老世多閱歷識人情

才未稱官原自解事非由我可原情

田無負郭餐飧缺家有藏書歲月多

高 玥

字乘亭漢軍人官湖州府同知有茗谿宦遊草

徐琨序云蒼老不及杜而妩媚過于香山

熙朝雅頌

摘句 偶此簡書便出門覲雲烟

馬因芳草歇客爲故人畱

身在浮名外心清一磬中

三十年中雙鬢改七千里外一身歸

兆 勸

字佑辰號牧亭又號牧牛子滿洲人有牧子詩錄

不堪持贈吟

不堪持贈吟自跋云半窗冰雪老境寂寥偶作一  
二短章不過湖邊茅屋下消遣不淨妄心

熙朝雅頌

摘句 欽足臥雲岑高吟抱明月

明日送春兼送別雨中烟柳濕長條

白衣保

字命之號鶴亭蒙古人官荊州參領

鶴亭參領佳句頗近唐音

聽松廬詩話

摘句 春雨過無迹野花開自然

一徑入山翠諸峰擁寺門

病起初妨酒官閒便擬仙

詩因臨水淡步爲看山遲

急雨過前浦亂蟬鳴夕陽

林空同鶴住果落與猿分

閒思往事還疑夢暫息勞生莫問家

病酒客愁孤館雨惜春人賦落花詩

甘運源

字道淵漢軍人官廣東巡檢有嘯峴詩存

道淵隱於下僚詩多警句其夔州雜詩有云永鎮  
蜀門戶全分楚上游二語確是今之夔州蓋所謂  
三峽之險古屬於蜀今屬於楚歸州巴東皆湖北

宜昌府所屬也

聽松廬詩話

摘句 蟾叢千里國烏道百盤山

火畚燒白草鹽井上青烟

破硯寒暄共殘書師友存

病閒浮白手雨冷踏青心

單襄檠

字子起山東高密人太學生有夢筑堂詩

子起在日屬李懷民定其詩存六百四十首懷民請付梓子起不許曰君雖直諒然面對我終不能無少容隱異日幸先君死君爲我定千秋業乃無

毫髮容情耳子犯歎懷民覆閱之始歎前言非虛

詞引謙乃爲汰存百首

左詩續鈔  
國朝山

摘句

杳靄澹空際晴光泛遙綠

娟娟昨夜月待人猶未沈

四野猶殘雨遙峰獨夕陽

還持一片月贈汝炎天行

但能寡營欲所得皆靜緣

兒女各已睡獨坐感餘生

汪松

字蒼巖漢軍人官佐領有早閒堂集